



## Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||  
Jesv Theologi.|| De || Christiani hominis || Perfectione In  
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

In Qvo Agitvr Nominatim De Sacerdotibus, Confessarijs, Magistris siue  
Doctoribus, Concionatoribus, Episcopis & alijs Prælatis, eorumque  
Ministerijs - In septem Tractatus distributus ...

**Puente, Luis de la  
Coloniæ Agrippinæ, 1629**

Cap. IV. Statûs Sacerdotalis diginitas & sanctitas, ex collatione cum  
Sacerdotio Melchisedech & Aron, ac ipsius Christi Domini nostri.

[urn:nbn:de:hbz:466:1-45750](https://nbn-resolving.de/urn:nbn:de:hbz:466:1-45750)

• Tim. 3.13

ad maiorem alium ordinem & munus exalteat, iuxta illud Apostoli: *Quoniam bene ministrauerint, gradum bonum sibi acquirent, & multam fiduciam in fide, quae est in Christo Iesu.* Digni enim sunt, qui ad altiorem in Ecclesia gradum, qui est Sacerdotij, promoueantur; & propter fidelitatem, qua suum munus obeunt, magnam concipient in Deum fiduciam, quod possint alia praedicaria praestare in virtute eiusdem Christi Domini nostri, cuius sunt Ministri.

## CAPVT IV.

*STATVS SACERDOTALIS DIGNITAS ET SANCTITAS*  
ex collatione cum Sacerdotio Melchisedech, & Aaron, ac ipsum  
Christi Domini nostri.

**A**GNÆ SEMPER CURÆ FVIT DEO DOMINO nostro, dignitatem & Statum Sacerdotalem honorare: tribuens Sacerdotibus magnam eminentiam & singulares eis exhibens fauores in tribus Legibus: Naturali, Scripta, & Euangelica, augens eos in secunda plus quam in prima; & in terra incomparabiliter plus quam in utraque. Ut enim veritas figuram, & corpus umbram suam: ita Sacerdotium Euangelicæ Legis excellit Sacerdotia Legis naturalis & scriptæ, tanquam figuræ & umbras suas: per quas explicabimus sensim *amplitudinem* nostri Sacerdotij, quod est summi ac supremi Sacerdotij Iesu Christi Domini nostri participatio quædam, adeò ei similis, ut oblatio, quam ipse met in nocte sua Passionis obtulit, corporis scilicet & Sanguinis sui Sanctissimi accidentibus panis & vinitubæ: eandem ipsam offerant quotidie nostri Sacerdotes, imò ipse Christus per illorum manus offert. Ita enim officium, quod ipse perfecit ipsum tunc fecit, commisit alijs: ut illud ipsum continuè per eos praestet, & eodem modo per eosdem Sacerdotes reliqua ministeria exercet, quæ eis commisit: ut pergaunt & promoueant, quod ipse in mundo ante suam mortem designauit; & sic authoritatem & honorem summum, quem potuit, eis attulit. Quemadmodum enim impossibile est aliud Sacerdotium esse maius, quam Iesu Christi Filij Dei viui; neque cogitari potest Sacrificium aliquod magis pretiosum, quam quod ipse obtulit aeterno suo Patri, nec actus magis heroicus, quam ipse fecerit in bonum hominum remittens illorum peccata, illos iustificans, dirigens ac perficiens usque ad aeternam vitam: ita non est possibilis alia participatio magis gloria huius Sacerdotij, quam illa, quæ splendet ac eminet in eo, quod ipse instituit in Legi Nova, accipiens homines, quasi instrumenta ut per

eos om

eos omnia hæc officia præstaret: vt apparebit, si discurramus per ea, quæ in alijs duabus Legibus sunt gesta.

## §. I. Sacerdotium Melchisedech.

**P**RIMVM in lege Naturæ illustre valde fuit Sacerdotium Melchisedech, de quo Diuina Scriptura ait: a Melchisedech Rex Salem offerens panem & vinum, erat enim Sacerdos Dei Altissimi, benedxit Abram. In quibus verbis quatuor insinuantur Sacerdotalis dignitatis excellentiæ. Prima fuit, quod voluerit Deus eam coniungere Regiæ dignitati, constituens, ut maneret in primogenitis & Personis Reipublicæ nobilissimis, & qui quasi Reges eam regerent & gubernarent: vt homines, qui exerno & corporali hoc splendore ducuntur, magis reuererentur Sacerdotes, videntes eos etiam esse Reges. Ut apparuit in Sancto Iob, qui simul fuit Rex sicut tres eius amici; & ita eum appellant Septuaginta Interpretæ; & simul fuit Sacerdos, ut indicant Sacrificia, quæ pro suis filiis & amicis obtulit.

**E**T HIC usus fuit etiam apud gentiles, & nominatum apud Aegyptios, qui Sacerdotis dignitatem conferebant sapientiori; & Sacerdotibus Regiam dignitatem: ac propterea eos vocabant Trismegistos, id est ter maximos. Et forte propterea tres Magi Reges, qui erant gentiles, obtulerunt Messiaë tria dona, quæ tres has dignitates significabant; b Aurum tanquam Regi, Thys tanquam Sacerdoti, & Myrram tanquam homini iusto, incorrupto & Sapienti: talis enim esse debet, qui has suscepit dignitates. Quod voluit Deus significari per nomen Melchisedech, Regem Salem: quemadmodum Apostolus interpretatus est, dicens: Illud nomen significare c Regem Iustitie, & Regem pacis. Ut sic intelligatur secunda excellentia Sacerdotis Dei Altissimi, quæ est, ut idem sit Rex: non ut alij Tyranni, aut mundani: sed Rex iustus, & pacificus: iustus in se ipso, & iustus in officijs sui administratione: ita iustitiam administrando, ut quisque reddat, quod est Dei, Deo; & quod est proximi, ipsi proximo. Ex quo proueniet, ut sit pacificus in se ipso: pacificans carnem suam cum spiritu; & spiritum suum cum Deo suo; dan: que operam, ut etiam subditi sui pacem habeant cum Deo suo, & mutuam inter seipsos. Quod totum magis adhuc perficitur Sacerdotij dignitate: Regia enim sola ad id non sufficeret. Cuius dignitatis tanta est amplitudo, ut de eodem Melchisedech addiderit Apostolus: Sine patre sine matre, sine genealogia, neque cunctum dierum, neque finem vita habens. Non quod illis caruerit, cum verè fuerit homo purus; sed quod in Scriptura Sacra nulla eorum fiat mentio: ideoque quoad nos est, atque si illa non habuisset: siquidem nihil eorum scimus. Causa autem cui Scriptura Sacra ea tacuerit, est, ut intelligatur, quod Sacerdotalis dignita-

<sup>a</sup> Genes. 14  
<sup>b</sup> 8.

Pineda in  
Iob. 1.1. & 5.  
Tobiae. 2.15.

<sup>b</sup> Matt. 2.11.

c Hebr. 7.1.

Supra.

cum eis adnexis, per se solam sufficiat ad honorem & autoritatem homini conferendam: ita ut Sacerdos summi Dei non debeat gloriari de parentum amplitudine, antiquitate, & nobilitate sui generis: nec de patria, aut die, in quo natus est; nec rationem villam ducere gloriose sepulchri, in quo sit deponendus: sed totam suam amplitudinem & gloriam in eo collocare debet, quod Sacerdos sit Iustus, Sanctus, & pacificus: & quod officium suum dignè obeat. Quamuis enim meritò sit optandum, ut Sacerdotes has habeant terrenas qualitates, quod filij sint proborum parentum, & nobiles generi: id tamen totum quasi nihil estimari debet, comparatione Sanctitatis & Sacerdotij: quemadmodum stellæ veram habent pulchritudinem & splendorem in seipsis: præsente tamen Sole sunt quasi non essent. Ne autem aliquis existimaret, excellentiam, quam habuit Melchisedech, ei prouenisse ob Regiam dignitatem; non autem ob Sacerdotalem: nullum Scriptura Sacra actum commemorat ab ipso tanquam Rege factum; sed solum quos fecit, quæ erat Sacerdos: qui fuerunt tres; offerre scilicet Deo Sacrificium panis & vini; benedicere Abraham, & recipere ab eo decimas. Dignitas enim Regia non æquatur Sacerdotali, & præstantissimis eius actibus.

*d Gen. 1, 16.* Ac propterea ait Hugo: quod quemadmodum d Deus in mundi initio creauit duo magna lumina: Solem, ut preffet diei, & Lunam, ut preffet nocti; ita constituit has duas dignitates, Sacerdotalem, quæ præsideret diei, & homines gubernaret in rebus spiritualibus, quæ tendunt in vitam æternam; & Regiam, quæ præsideret nocti, & eodem homines gubernaret in ijs, quæ ad bonum mortalis huius vitae pertinet: quæ vita nox censenda est, si cum altera conferatur. Et quemadmodum Sol Lunam excedit: ita Sacerdotalis dignitas Regiam superat.

*a Hebr. 7, 4.* HAB EVERVN T Melchisedech excellentias: de quo dixit Apostolus: e inueni nisi quantus sit hic, de quo haec adeò excella & præclara dicuntur, quorum illud valde gloriolum fuit, quod fuerit exemplum & significauerit Sacerdotium Iesu Christi veri Dei, & hominis Domini nostri: de quo dixit Daud: f Tu es Sacerdos in eternum secundum ordinem Melchisedech. Habuit enim excellentias, quæ in eo Sacerdotio expressæ fuerunt, etiam cum infinito excessu. Ac propterea Apostolus dixit, quod ipse Melchisedech *g assimilatus est filio Dei*, sicut dicimus imaginem & picturam similem esse & exactè referre hominem, cuius est imago & pictura; non autem dicimus ipsum hominem, similem esse imaginis, & pictura sursum: fuit igitur Christus Dominus noster representatus in Melchisedech, quatenus ipse Christus fuit verus Rex, & Sacerdos, Rex Regum, & Dominus Dominantium, Sacerdos summus & Princeps Sacerdotum, & per excellentiam Rex iustus & ipsius iustitiae fons; Rex pacificus, & Author omnis

*b Apoc. 19, 6.*

*f Psalm. 109, 4.*  
*S. Thom. 3,*  
*p. q. 12.*  
*Trid. Soff.*  
*22. c. 1.*  
*g Hebr. 7, 3*

nis pacis inter Deū & homines. De qua iustitia & pace præ alijs omnibus rebus gloriabatur; & quod in Melchisedech fuit parabola sive enigma, in isto Dño fuit veritas. Quia homo enim nō habuit Patrē; & qua Deus nō habuit matrē, nec initū habuit dierū suorū, nec finē est habiturus: eiusque generatio est ineffabilis. Ideoq; quoad nos est quasi nō esset: nam et si credamus eam: intelligere tamen non possumus. Et quamvis fuerit verē Rex, nunquam tamen in hac vita mortali exercuit actiones Regis temporalis; sed de actibus Sacerdotis, & Magistri gloriabatur, offérens Patri æterno Panem & vinum: non tamen purum panem & purum vinum, sicut Melchisedech: sed corpus suum vitium accidentibus panis tectum; & suum pretiosum Sanguinem accidentibus vini obuelatum: quorum virtute cœlestes benedictiones nobis communicat, quas sacra sua Passione & morte nobis comparauit.

**E S T A T I A M** Sacerdos in æternum: nam ad finem usq; mundi hoc Sacrificium offeret, cuius fructus erit æternus. Ad id autem præstandum, instituit in suum locum Sacerdotes legis Nouæ: in quibus eadem inueniuntur excellentiæ: ed quod omnes essent secundum ordinem Melchisedech, & summo honore digni. Nam (vt S. Ignatius Martyr dixit) Sacerdotium summa est omnium honorum, qui in hominibus inueniuntur. Nam illi sunt Reges, & quidem regno magis glorioſo, quam sit tempore: quibus competit per singularem excellentiam quod S. Petrus dixit: *Vos estis regale Sacerdotium; & seniores Apocalypsis glorificauerunt agnum, qui obſignatum librum aperuit: k redemisti enim nos (dicebant) in Sanguine tuo, & fecisti nos Deo nostro regnum, & Sacerdotes, & regnabimus super terram.* Non quod regia & Sacerdotalis dignitas, de quanunc loquimur, omnibus Christianis conueniat: sed quod in ipsis tantum, & ex ipsiis designet, & eligat Christus Dominus noster veros Sacerdotes, qui etiam sunt Reges, non temporales, sed spirituales. Ac propterea vt ait S. Chrysostomus) eorum regnum est multò excelsius, & præstantius. Nam temporali Regi commissæ sunt res omnes terrenæ; Sacerdotia autem cœlestes; regi corpora; Sacerdoti animæ; Rex thronum suum habet in terra, Sacerdos in cœlo: ibi enim approbatur, quod hic in terra ipse iudicio decreuerit. Rex gubernat violenter; Sacerdos autem cum consilio; ille corporalibus armis contra barbaros pugnat; hic contra Dæmones armis agit Spiritualibus. Ac propterea maior est Sacerdotis Principatus, cuius manum Rex osculatur, & ab eo benedicitur: semper enim, vt ait Apostolus: *I quod minus est à meliore benedicitur.* Ex quo S. Ambrosius deducit: quod quemadmodum aurum excedit plumbum, ita dignitas Sacerdotalis regiam excellit: & concludit: nihil est in hoc seculo excellens Sacerdotibus; si quod sumus professione, actione potius quam nomine de-

*I  
Epist. 10. ad.  
Smirnenses*

*II. Petr. 2.9*

*K Apoc. 5.10  
& c. 1.6.*

*Homil. 4. 5  
5. de verbis;  
Isaia: 1. vidi  
Dominum.*

*I Hebb. 7.7.  
cc Lib. de  
c. dign. Sa-  
cerdotis  
c. 2.*

ne demonstremus, ita ut vita dignitari, & officio conformetur. Ex quo fit  
 vt Sacerdotes sint sicut Melchisedech, iustitia Reges & pacis: quorum  
 munus est facere homines iustos; eosque cum Deo pacificare, remitten-  
 tes eis peccata, gratiaque ac virtutibus eos exornantes. Et qui per ordi-  
 nis Sacramentum hanc eis dat potestatem: simul dat Spiritum Sanctum,  
 quo & ipsi sint in te iusti & pacifici: vt prius gaudeant bono illo, quod  
 sunt alijs communicaturi. Accipit enim eos sibi in gentem Sanctam, &  
 regnum proprium: in quibus solus igse regnet: ita ut nec patrem nec  
 matrem agnoscant, nec genus, aut aliam cognationem; neque rem vil-  
 lam terrenam: sed ipsum Deum solum; & in eo tantum gloriantur, quod  
 eius sint ministri: & de nulla alia re, nisi in ordine ad ipsummet Deum,  
 iuxta illud, quod Moyses dixit benedicens Tribui Leui, in qua erat Sa-  
 cerdotium antiquum: m qui dixit Patri suo & matri sua: nescio vos; & fra-  
 tribus suis: ignoro vos, & nescierunt filios suos, hi custodierunt eloquium tuum, &  
 paelū seruauerunt. Benedic Domine huic fortitudini eorum, remunerans illos,  
 ed, quod ita vitiliter propter tuum obsequiuū, omnes suos abnegarunt. E:  
 quamvis multa alia opera præstant ob communicationem, quam cum re-  
 liquis hominibus habere debent: solum tamen gloriantur, & exultant de-  
 præcipuis. Quorum vnum est erga ipsum Deum: cui in sacro Missæ Sa-  
 crificio talem panem, taleque vinum offerunt, quod excellit illud, quod  
 obtulit Melchisedech, plus quam quod viuens est, depictum excedit; &  
 quod est cœleste, superat terrenum; quod est infinitum, finitum & limi-  
 tatum; & ipsemet Creator vilissimam superat creaturam. Alterum est  
 in ordine ad proximos: non enim sibi solis cibū hunc retinent; sed quemad-  
 modum Melchisedech (vt affirmant Clemens Alexandrinus, & Theodoreus) ex pane & vino, quod obtulit Deo, partem dedit Abrahamo,  
 eiusque famulis ex pugna redeuntibus: ita Sacerdotes communicant  
 Principibus, totique populo Christiano hunc vitæ panem, vt robur, ani-  
 miique fortitudinem induant ad pugnam, quam contra Dæmonem ha-  
 bent. Quibus etiam per hoc Sacramentum, & alia, quæ illis conferunt,  
 impetrant illis cœlestes benedictiones, cum abundantia Diuinorum do-  
 norum. Quod si ab ipsis Sæcularibus Decimas, quibus alantur, suscipiant:  
 multò maius est, quod ipsi illis dant: accipiunt enim ab illis, quod est cor-  
 porale, & peritulum; dant veðo eis spirituale & æternum.

## §. II. Sacerdotium Aaron,

**T**RANS EAMVS nunc ad Legem scriptram, in qua Deus Dominus  
 noster Sacerdotium magno affectu honore, constituens illud in Tri-  
 bu Leui, & in capite Aaron & filiorum ac Successorum eius: id quod  
 insigni quadam miraculo confirmauit: cum enim iussisset singulas Tri-  
 bus

bus tradere Moysi singulas virgas, & vniuersiusque nomen superscribi  
virgæ suæ, & nomen Aaron in virga Tribus Leui; easque omnes poni in  
tabernaculo fœderis, dixit, eum à se eligendum in Sacerdotem, cuius vir-  
ga ibi germinaret. Quæ cū ita essent facta, cœpit germinare virga *Aaron in*  
*a Nū. 17, 8.*  
*domo Leui;* & turgentibus gemmis, eruperunt flores, qui foliis dilatatis, in amyg-  
dalas deformati sunt, reliquis omnibus virgis aridis, quales antea erant, re-  
manentibus. Quo factō mansit Aaron in Sacerdotio confirmatus, & si  
mul manifestata excellentia Status Sacerdotalis. Sacerdos enim flore-  
re debet doctrina, & vita exemplari, quæ luauæ oleat Deo, & Ecclesiam  
ædificet, habeatque suum splendorem ad homines recreandos; debet et-  
iam ornata esse folijs verborum prudentium, & piorum ad gloriam Dei  
& bonum proximorum, & proferre fructus Sanctorum operum, simili-  
um amygdalis sive nucibus: quæ (vt Origenes perpendit) duplex habent  
tegumentum, alterū amarū, alterum durum, defendens, quod intus latet, &  
quod alias nutrit: vita enim perfecta solet exteriū tegi operibus pœniti-  
tentiarum, quæ sunt carni amara; & laboribus vita actiua, qui sunt duri  
grauesque debili corpori: interiū autem latet Spiritus dulcis, & nutriendo  
ac permanens. Si igitur hæc Deus à veteris Legis Sacerdotibus exigebat:  
quid peret ab ijs, qui sunt in Lege Noua: cuius Sacerdotium infinitis par-  
tibus illud excedens, significabatur virga illa Aaron? Si enim res benè per-  
pendatur: quid aliud est panis, quem Sacerdos in suis manibus accipit, nisi  
virga quædam arida; quæ tamen posita in tabernaculo Domini, virtute  
verborum consecrationis repente, & in momento conuertitur in virgam  
illam florentem, de qua dixit Isaías: b *Egredietur virga de radice Iesse,* &  
*flos de radice eius ascendet.* Et requiescat super eum Spiritus Domini: *Spiritus sa-*  
*pientia, & intellectus, Spiritus consilii, & fortitudinis, Spiritus scientie, & pietatis:*  
*& replebit eum Spiritus timoris Domini.* Quamuis enim ibi remaneant acci-  
dentiæ panis ad ipsam virgam contegendas: manet tamen ibi verè & rea-  
liter Summi Regis & Summi Sacerdotis potestas, cum flore Sanctissimæ  
sue humanitatis, cum diuina sua persona coniunctæ; & cum omnibus  
fructibus satisfactionum, ac meritorum, quos protulit ad communican-  
das nobis gratias & virtutes, quas nobis fuit promeritus. Quod si dixerimus  
cum S. Hieronymo: virgam Iesse esse virginem Sacratissimam; &  
florem esse filium eius Sanctissimum: id non erit extra nostrum proposi-  
tum. Nam (vt ait S. Augustinus) veneranda est Sacerdotum dignitas:  
in quorum manibus velut in utero virginis filius Dei incarnatur. Nam  
virtute Sanctissimæ Trinitatis, in eius manibus nascitur flos Iesu Nazar-  
eni, qui natus fuit de virginе, cum virginis Diuinitatis & Omnipoten-  
tiae; quam virga Aaron significabat. Quantum igitur inter virgam & vir-  
gam discriben? Quantum inter prodigium & prodigium? Aaronis virg-

*b Isaie. ii.**in Isaie. ii.**in Psal. 77.*

erat ex fragili amygdalo; virga autem Iesse, quæ in sanctissimo Sacramento later, est verus Deus & verus homo; illa protulit flores & folia, fructus vtiique viles ac perituros: hæc præstantissimos & æternos; illa reuirescebat sensim, & postea ad pristinam redijt ariditatem: hæc in instanti formatur ibi, nec vnquam suum Este amittit. Quæ tanta est virtus ut Sacerdotem ipsum & quemcunque Christianum, dignè eam sumentem ex virga arida conuertat in floridam; ex indeuoto deuotum; ex tepido feruentem; ex imperfectio perfectum: ex stimulans eum ad producendos flores feruentium desideriorum, folia verborum sanctorum, & fructus clarissimorum operum in omni genere virtutum, multo magis excellentium & gloriolarum interius, quæ exterius apparet. Eius enim est verbum illud: c *Qui manducat me, vivet propter me;* ducetque vitam quandam florentem, & fructuosam meæ similem. Ex quibus apparet excellens status Sacerdotalis in Euangelica Lege, qui prodigiosam adeò conuersationem efficit, in proprium ipsius Sacerdotis communum, & plebis totius utilitatem. De qua conuersione potius gloriam debet, quæ de rebus omnibus creatis: siquidem in hac virga Jesse omne suum inueniet remedium. De qua virga licet in sensu mystico intelligere, quod Christus Dominus noster duodecim suis Apostolis dixit, cum eos ad Euangelium prædicandum mittebat: d *ne quid tollatis in via, non peram, neque panem, neque in zona as: nisi virgam tantum,* quæ sit vobis tanquam fulcimentum. Quæ autem virga hac præstantior, & firmior? Cui tutò inniti licebit cum magno nostro solatio; eritque nobis pro pane, & ære, rebusque omnibus; nam in ea sola omnia inueniemus excelsiori multo modo, quæ si ipsas metu res haberemus.

Sed non vacat mysterio, quod cum Deus dixisset, virgam, quæ germinaret, fore signum eius, quem ipse in Sacerdotem elegisset: non fuerit postea contentus, quod virga Aaron gemmulas germinasset, quod futurum promiserat: sed etiam voluit, vt ex turgentibus gemmis flores erumperent, folia, & fructus. Nam (vt Origenes dixit) Deus Dominus noster adeò est liberalis: vt plus det, quæ promittat. Ut Sacerdos intelligat, se debere esse valde liberalem erga suum Deum; neque existimare, fatus libi esse, quod exequatur quæ votis suis, alijque obligationibus statui suo annexis promisit: sed ad multo plura sese extendere, vt gratum ostendat, placeatque Creatori suo.

ALIVM etiam fauorem exhibuit Deus Sacerdotibus antiquis, ad eos honorandos: qui favor eadem virga exprimebatur. Illa enim est signum potestatis, quam habent Reges, iudices, & gubernatores Reipublicæ. Quamobrem dixit David: e *virgam regni Christi futuram virgam directionis,* qua nos esset gubernaturus, ac directurus in vitam æter-

nam,

c *Iean. 6, 58.*d *Marc. 6, 8.*Abud Gloss.  
illius locis.e *Psal. 44, 7.*

nam, quod præstat per Sacerdotes. Antiquos fecit gubernatores populi sui; voluitque esse iudices in gradu Appellationis in controuersijs & litibus dubijs occurrentibus. f Si difficile, inquit, & ambiguum apud te indicium esse perspiceris; & iudicium intra portas tuas videris verba variari: quia vnum dicit, hoc esse homicidium, alter vero dicet non esse; vnum dicit, hanc esse lepram, & alter dicet non esse: Surge & ascende ad locum, quem elegit Dominus Deustus. Veniesq; ad Sacerdotem Lenitisci generis, & facies quodcumque tibi dixerit, qui autem superbierit, nolens obedire Sacerdotis imperio, morietur homo ille.

f Deut. 17. 8

Et ipse met Christus Dominus noster, hanc illorum rationem habens, causam detulit eis, cum sanabat leprosos iubens eos g offendere se Sacerdoti; vt ille index esset sanitatis & mundicie, quam ipse Christus eis dederat.

g Matt. 8. 4  
Luc. 17. 14

SED quæ comparatio huius honoris cum eo, quem Sacerdotibus Nouæ Legis detulit: quos constituit iudices omnium controuersiarum ad animas spectantium; & lepram, qua illæ solent maculari? Auget vero plurimum eorum excellentiam potestas illis collata, (vt ait SANCTVS CHRYSOSTOMVS) non solum ad declarandum aliquem esse à lepra mundum; sed etiam, vt ipsi eos mundent, qui ea sunt infecti: nam, qui leprosus ad eorum Tribunal accedit: cum de illa ipsi iudicant & absoluunt: ille mundus manet à lepra, quam habebatur. Summum, quod Sacerdotes antiqui faciebant, erat sacrificijs ac cæmonijs: quas lex in pœnam aliquius culpæ constituebat; immundiciem externam purgare. nostri autem ab interiori purgant immundicia, quam homo contrahit peccato suo; & à lepra æternæ pœnae, quam propterera erat promeritus. Quod vt Sacerdotes rectè præstare possint, datur eis Spiritus Sanctus cum septem eius donis, sapientia, scientia, & cæteris. Quamobrem merito eorum potestas non censenda est arida virga; sed florens, sicut illa Iesse: in qua Spiritus Domini requiescit: qua statim atque pœnitentem tangunt, etiamsi sit ex se virga arida, faciunt florere, communicantes ei gratiam & virtutes supernaturales: & profert flores, folia, fructusque præclaros, cum Contritionis, Confessionis, & Satisfactionis actus exercet: vt perfectam obtineat peccatorum remissionem.

Lib. 3. de  
Sacerdotio.

DENIQUE virga Aaron, quæ priùs arida erat, & ornata exuta, quem stipiti suo unita habebat: postea Dei virtute vestita fuit, suisque floribus, foliis, ac fructibus exornata; nec amplius profanis usibus fuit applicata; sed h reposita in tabernaculum testimonii, & in ipsa arca testamenti, in perpetuam Sacerdotij Aaron memoriam; & in signum, quod

Deus ipsum accipiebat in suum, suoque seruitio in perpetuum dedicabat, iuxta illud quod Rex Ezechias Sacerdotibus dixit: *k. Vos elegit Dominus ut stetis coram eo, & ministretis illi, collatisq. eum, & cremenis ei incensum.* Et ut Tribus Leui omnino se obsequio eius dedicaret; noluit eam habere aliquam hereditatem, aut bona temporalia, & speciales fundos, sicut alias Tribus habebant; *l. Dominus enim ipse hereditas eorum erat, in possessione eorum.* quia in se recepit eos alere ex oblationibus populi: tantoque zelo eos protexit, ut diceret: *n. Qui tetigerit vos, tangit papillam oculi mei.* Eodem magno etiam honore affectit, induens eos vestibus ingentis gloriae, quae dignitatis eorum amplitudinem praeferebant; & admiracionem ac reverentiam adferrent eos aspicientibus. *I. oque adeo ut Alexander Magnus, teste Iosepho, cum ingrederetur Ierusalem, eiique obuiam exiret summus Sacerdos Pontificali habitu indutus, ipse ex equo descendens eum adorauerit.* Et in Leuitico prohibuit ei Deus: *o caput suum cuiquam discooperire,* in signum (vtr sit S. Hieronymus) supremæ suæ auctoritatis, Omnia autem hæc cum maiori adhuc excellentia inueniuntur in Sacerdotio Legis Evangelicæ: quod est participatio quædam Sacerdotij Christi Domini nostri, cum quo Sacerdotes nostri sunt spiritualiter coniuncti; & à quo internarum vestium ornatum accipiunt, præstantium scilicet virtutum; suntque electi, ut semper in eius conspectu versentur: non solum quæ ille Deus est, sed etiam quæ homo; eo modo, quo ipse nobiscum in terra est, ei seruientes, & honorem deferentes, ac in eum & Orationes offerentes; & loco carnium, agnorum, ac vitulorum offerentes ei carnem & sanguinem Agni Dei, qui tollit peccata mundi, quæ caro & sanguis manent perpetuè intra ipsam Ecclesiam in Sanctissimo Altaris Sacramento, in testimonium supremi eius Sacerdotij. Et ipse Dominus vult esse eorum hereditas & possessio, tradens seipsum illis quotidie in cibum & escam: qui recipit in seipsum eos protegere, allevare, suoque alimento & honore spirituali ac temporali honorare. Nam (ut Apostolus dixit:) *p. Qui bene presunt Presbyteri duplice honore dignabentur: & mundi huius Principes hanc eorum dignitatem agnoscentes, seipso propter eam eis demittunt.*

*p. 1. Tim. 5.  
37+*

CAPVT